



¡Ná kasa ki'vi na yó'ò tan kàsa kui'na na xu'un un!



Kúmaní kà ñà taxi un xu'un un nda'á na an
nda'a ve'e tyiñu, ¡koto'ni un ná ñà ndixa ku
ña! Íyo niví nà íxa ki'vi ña'á tan ndóo na xí'in
xu'un ña táxikuá'à un.





An xíni un sàa íxa kì'vi na yó'ò



Kuà'á níi nùú ñà'a íxa nà kuí'na yó'o:

☉ Ká'àn na xí'in un xí'in tutyi, ná kòò, kuà'àn na ve'e un ta xíkan nà xu'un nùú un.

☉ Tí'ví na tu'un maña nùú tìxin kaa ká'à nà xí'in an tíxin tutyi ndíkà kuenda un.

☉ Xíkua'à na tutyi ndíkà maña an ñà korreo maña.

☉ Sàtìin na yó'ò tíxin tutyi ká'nu an xí'in ña tuni QR maña ñà sákui'na tákuu ndí'í ñà ndatu'un xà'á xu'un un.

☉ Sáki'vi ná yó'ò tan sakuí'na na.


☉ Taxikuá'à un xu'un tan kua'nu ña (ká'àn nà xí'in nà tá'an un ná kì'vi na xí'in xu'un mií na tíxin ñà yó'o).

☉ Ká'àn nà sàtatu nà xu'un tan kì'in ña sàtá ña.

☉ Xu'un maña ñà xá'nu tìxin tutyi.



Sakán tu, kivi sáyà'a xí'in mií na kondo na nà yúvi ndáya'vi tan kàkàn nà xu'un nùú un, kivi ndasa ùvì nà ndiakua ní'i un, ná kòò, sakuí'na na ndikua tíxin tarjeta kuenda un, ná kòò tu ndi, ndà sakuí'na na tàtyí un. Ni ná và'a sáka ká'àn nà xí'in un, kàandixa un ña ká'àn nà. ¡tyiika xumi un nda'á na!






Kondaa un ñà ndátu'un xà'á xu'un kuenda un



-  Tàaxi un kìvì un an ñà ndátu'un xà'á xu'un kuenda un nda'á na, tìxin ndiakua tutyi kuenda un.
-  Xikuá'a un tuni ndeé và'a tan ndanama un ña tíxin ña xakú kìvì.
-  Ndatuún ña ndákuà'a kuenta nùú un ùvì tyítyi.
-  Kàandixa un ña tùtyi màni an ña vàavà'a tan táxi ña tu'un nda'á un.
-  Koto và'a un ná ña ndixa ku iin tu'un, ña ká'àn nà, tuni QR, sakán ndakuiin un.
-  Koto và'a un ná kòo kaa ña maña tíin ndìka ve'e, an niví "nà kuni tyindeé yó'ò íyo" tan sàandañu'u nùú un tarjeta kuenda un.
-  Kàandixa un ña màni kuni na taxi na nda'á un tan xíkan na xu'un xà'á ña.
-  Kondaa un tuni kuenda un: kàa'yú ña nùú míí tui an kòo nùú kaa ká'àn un xí'in.
-  Tyitò dake'é un tutu xà'á xu'un kuenda un tan sakán kuni un ná tu kuenta sàtá un ku ña.
-  Ndisaá kuiyà ndake'é un kuenta na'à xà'á xu'un tan sakán kuni un ná kòo kuenta na'à tìxin ña, ña nì kòo ní xikàn un.





Tan ná xà nì ìxa kí'vi na yó'ò iin kìvì



¡Ndàakasi un yu'ú un!



Kà'àn un tíxin tutyi (088)
xí'in na Guardia Nacional
xà'á ña ìxa kí'vi na yó'ò.



Kù'ùn un nùú ña
CONDUSEF tan ndakuà'a
un kuenta.




Nandisó un iin tutu tìxin
ve'e na Ministerio Público
ná tu sàandañú'u un tutu
un an kòò xìkuí'na na ña.



Ndakuà'a un kuenta nùú
na ve'e SAT xà'á ndà ndáa
kà tundíni ndó'o un xà'á
xu'un kuenta un.



Kà'àn un xí'in na Policia
Cibernética, tìxin tutyi
(017) tan ná tyindeé na
yó'ò tan nandukú kà nà
xà'á ña.



Traductor:
Amadeo Guadalupe Joaquina